



C40
4514
(191)



C40-4514

了翁上座請大猷及有
家書置之武州崇寧山
我微笑遂隱五府中未
為學者不敢許出院內
當山二世鐵牛機謹誌



D 64853

南堂了菴禪師語錄卷之十三

參學比丘善慶元寶慧朗等編

明 後學沙門兜率明聞重閱

偈頌一

次無想仲謀韻送皎首座

靈山密付少室單傳體用不二事理昭然拄杖頭分
開太華笠子下蓋覆三千明來暗來指槐罵柳東去
西去回坤轉乾石火流星苦未急銀山鐵壁何其堅
徐六之板忽放下竇八之衫還破穿休居脚跟不點
地孰謂抹過威音前七年四往返掘地尋青天移舟

跋那

東京大學総合図書館蔵

撰述
既別水舉棹終逢源將誰看梁作砥柱用爾鼻孔爲
司南翻身天岸看日出照耀萬象分媿妍

次仲謀法兄韻送肇侍者

世尊三昧迦葉不知破顏微笑蠡測管窺把斷重關
鬱鬱黃華元非般若放開線路青青翠竹總是真如
棘林中露無邊之蕩蕩平地上峭萬仞之巍巍知所
不知爲所不爲反常合道提綱挈維此是少林無孔
笛爲君去

北也夷高就低

送慧藏主

一字也無說箇什麼放兩拋三弄真象假脫體分明
舉得全艸菴卸下瑠璃瓦拈黑豆換鬼眼睛撥虛空
尋針縫罅我面前無你你面前無我南北東西八字
打開當明中有暗當暗中有明成住壞空一時裂破
德山臨濟小兒嬉靠倒西來胡達磨

送徹上人

頂額機打得徹無言童子喃喃說妙德空生總未知
僑梵鉢提伸出舌丁一卓二滴水水生放兩拋三雷
轟電掣不休歇不歇雪峰靦毬太孤絕不是玄沙
解斫牌爭得清風滿家炊子從何方來根器乃超越

妙悟繼先宗慎勿循途轍况是親承古鳳臺爲吾釘
取虛空槩

贈住首座

虛空爲口萬象舌塵說刹說熾然說到了依然一字
無納僧眼裏重添屑珠回玉轉分玄微棒頭喝下看
提持驀然踏着頂顛竅天外一擲誰能知有時收有
時放明暗雙雙真絕唱手面分開萬仞崖目前衝起
千尋浪擊石火閃電光銅頭鐵額何能常埽蕩從前
野狐窟正好揭示金剛王四句離百非絕憍梵鉢提
嚼生鐵毒藥醍醐一道行地老天荒誰辨別

雪峯具知客禮祖

具足凡夫法空中翻石臼具足聖人法面南看北斗
三毳輓出時一舉四十九秘魔手中叉子湖門下狗
敵勝與驚羣還他師子吼拈起簸箕別處春大淮南
北江西東八十四人阿碌碌髑髏晝夜吟松風

送百丈清藏主

獨坐大雄峯有什麼奇特轉得一大藏自然超語默
神通妙用手面施呈換斗移星聖凡莫測俊鶻捎空
亦等閒擡眸已過新羅國

送懋藏主

三千刹海如來藏語默商量總成謗掇轉須彌看指
南石裂崖崩難近傍央庠座主還偈奇手面一着謾
楊岐當時一席三五百透得金塵端是誰山僧有口
無暇說尔也前途好咨决打落天邊白鳳雛七尺烏
藤冷如鐵

送祖侍者歸温州

有一句到你平地無風怒濤起無一句到你赤脚波
斯入鬧市不如拈却有與無大開兩眼空全吳鐵牛
之機是何物雪華點破烹金爐君不見禾山老人解
打鼓聲聲合著道吾舞森羅萬象鬧啾啾徹底自分

泥水路江上風松間月拔却多年釘根楔永嘉親見
領南能便是如今箇時節少林曲調新豐吟千里萬
里誰知音歸去西山埽烟榻試把玉線穿金針

送霖侍者

金剛圈鐵酸餒多處添少處減侍者叅得禪一斬一
切斬山河大地不見纖塵艸木叢林流光發艷築着
磕着自痛自知把住放行如影如響釋迦彌勒猶是
他奴文殊曾賢討甚伎倆坐斷乾坤辨正邪伸手依
然不知掌咄

送成侍者

撰述
男兒學道貴有成舉步便合超途程妙高峯頭赫日月大洋海底轟雷霆拈來一隻蓬蒿箭任是沙場須百戰五位君臣列正偏三玄戈甲隨機變有時縱全殺全生誰得共有時奪十方刹海橫該抹君不見文遠全師未舉時曾與趙州爭勝劣

送明藏主之浙東

虛空解講經萬象側耳聽撥轉上頭關拈却佛祖病東去西去前三後三南來北來頭正尾正倒一說對一說鶻眼龍睛若爲別平高就下以機奪機顯實開權用楔出楔辯而訥巧而拙逆順縱橫也奇絕君不

凡蠶螟曉上土曠人稀石火光中霜凝凍結百越三吳正令行誰道同途不同轍

送雅藏主

道純明日龍翔去索我燈前寫長句滿天風雨作中秋直得千江水東注我也豈曾參得禪信口合着玄中玄釋迦老子不知有大藏小藏安能詮君不見瞎驢滅却正法眼究竟只成擔板漢堪笑東山解放收方便依然沒方便如今此道如泥土塞壑填溝何足數七金山外訪知音夜半蠶螟吞却虎

贈曾光長老

書蓮經募造韶國師道場

國師不露頂額句流出曹源一滴水沃日滔天沒奈何
何浸爛虛空知幾幾通玄峯頂非人間掣斷金鎖開
重關百尺竿頭逞伎倆二三四七同舒顏芬陀利華
時一現殿閣崢嶸插霄漢要種梧桐待鳳棲曾光心
印須高提

送能藏主之金陵

親從道場來相見有何說以能問不能大巧固若拙
撥動毗盧藏中寶萬里神光射穹昊古今多少弄精
魂出艸有時還入草金陵山川皆故國高不可攀深
叵測秋風吹老桂華枝脚下鐵鞋生兩翼

送蔣山德藏主

道人來自江之東天寒歲晚何忽忽橫拈倒用總自
可舌本滾滾生雷風藏裏摩尼時一擲五色光芒射
空碧南海波斯鼻孔深舜若多神面門黑我觀佛祖
初無他乾城飛起陽燄波僧繇不識鏡容老此意往
往成蹉跎門外驚森卷黃葉霜白長堤水天接天關
地軸總掀翻漢不能收秦不攝

送淨慈涇藏主

鄧峯深處曾相見一撥虛空成八片雖然補綴得完
全未免三頭并兩面君談禪兮我談道議論胡爲能

撰述
恰好西風老桂吹天香大地山河明高君不見茶
陵踏折溪上橋跛驢奮迅騰雲霄至今萬象露風骨
低者自低高者高橋李亭前重握手拈得鼻孔失却
口笑把如來藏裏珠撒向時人不知有咄

送度侍者

目前無閣黎鐵鞭擊碎珊瑚枝座間無老僧焦尾徑
逐雲雷飛百千三昧入掌握知音豈在鍾子期君不
見古皇先生拈華時一笑豁開金面皮承虛接響二
千載肩擔背負爭驅馳禾山之鼓不易打少林之笛
誰敢吹所以曹溪流萬古清漣漪觸着波濤忽澎湃

滔天沃日橫鯨鯢如今且喜風色定湛湛寒光浸空
影一舸乘流解問津太平不用將軍令

送初上人

混沌未分初一句還成見當機覲面提日月與月面
靈利師僧不知有昨夜三更白如晝錦標奪得在何
時一機春斷懸河口汝要參禪宜猛省入得邪時歸
得正鄧峯深鎖翠雲寒會應坐斷毘盧頂

次絕照翁送小師藻侍者韻

萬境紛紜不須遣語默商量看平展威音那畔卽如
今日用現行誰不見體本無生了無速羅刹身心苦

陸面濟北兒孫未必然棒了罰錢須出院

送如維那

如來禪祖師禪拽脫鼻孔從頭穿智者當機猛提取
蹉過只在眉毛邊靈巖豈無興化棒不顧危亡難近
傍道人親見作家來七縱七擒心愈壯于木隨身有
如此直下同生復同死又攜明月過雙溪一片寒雲
映秋水

送寧藏主之上籃

老胡平生多口業且喜兒孫沒交涉沒交涉處驀翻
身直得一華開五葉君不見馬大師卽心卽佛恢宏

機雄峯卷席奮雄略驚羣敵勝超玄微當時拽得鼻
孔脫大似死中重得活更言三日耳雙聾笑倒山雲
并海月道人深入如來藏袖裏神鋒難近傍樓其窟
穴窺其蹤謂我此言誠的當壯哉吸盡西江口便是
龐公豈知有但教觸處得逢渠何用將身藏北斗上
籃法席天下奇鍛凡鎔聖真爐鎚入門相見定相問
向道近離鴛鴦湖

送畏上人歸省萬壽華國

拈一機示一境截斷葛藤須猛省三千里外定諳訛
東平打破瀉山鏡不屬玄不屬妙吞爍乾坤迴然照

海神失御夜明簾長汀拍手呵呵笑倒握金桴擊金鼓木人石人齊起舞八臂那吒撲帝鐘家家門首長安路好箇佛堂須作禮惡水潑人終不悔門外霜風劈面來百越修途宜自愛

真藏主求悟菴說荅之以偈

悟則不無安用說說則不無須用悟悟後還同未悟時說不說今何足顧大道無門從此入五色祥麟脫羈帛擊碎如來藏裏珠驚倒生公鬼神泣菴外事曾不知耽耽睡虎方藏威解得金鈴掉頭去碧天皓月揚秋輝

送明侍者叅竺元和尚

汝欲叅禪須妙悟汝欲弘宗觀列祖列祖皆從妙悟來扶豎真宗亘千古德山臨濟何似生掀天撲地隨縱橫白棒高揮日月落喝聲迅作雷霆轟或全賓或全主互換機先分彼此萬仞崖頭撒手回箇是金毛師子子我昔從師事叅學敲打虛空鳴剝剝不惟萬象笑相磨聚鐵等閒曾鑄錯此道年來恐難說遇著通人試甄別紫澤峯高豹霧深好把烏藤輕摺折

送達侍者

路逢達道人不將語默對拈起鐵蒺藜虛空須粉碎

電卷星飛猛提掇十方刹海橫該抹全身放下看如
何解弄死蛇終是活道人道人休問吾問吾枉着閒
工夫不如卷衣歸故廬奴兒婢使誰家無

送慧侍者

小艷詩新豐曲斷絃須是鸞膠續育王此語最分明
何須更向東西卜輓鐵鼓擲金鐘鳥啼花笑春融融
千木隨身擬何適碧岬丹嶂金仙宮我亦乘風欲東
去望雲且種無根樹蔚然枝葉覆行蹤便是君來無
覓處

送機維那

機奪機楔出楔正眼還從瞎驢滅破關先下頂門椎
百市千重須迸裂興化當年不知有法戰場中垂隻
手克賓出院是尋常直得虚空開笑口祥麟掣斷黃
金鎖天上人間豈惟我勘破諸方却再來照乘明珠
消一唾

送閑藏主之金陵

絕學無爲道人事一抽三兮二添四山前猛虎趁菘
菟艸裏毒蛇吞鼈鼻頂門突出摩醯眼是亦剗兮非
亦剗鷓鴣啼斷百華春鍾山倒卓歸雲晚龍藏琅函
五千軸頭頭盡是新豐曲江流不盡楚天寬正音畢

竟何人續

送明侍者歸道場

一明一切明一了一切了豁開總持門諸法不相到
高高峯頭不露頂千山萬山春晝永深深海底不溼
脚李公醉酒張公醒我不孤負汝汝不孤負我放過
南陽忠國師把住嵩山破竈墮噫吁嘻無人知桃華
落盡楊花飛玉簫我欲吹瑤池只恐鳳皇飛下踏折
梧桐枝

送華藏性維那

性覺妙明本覺明妙吸乾三萬六千頃之波瀾揭開

七十一二朶之烟島堪笑老臨濟三度問佛法的的
大意三度被打六十烏藤漆了幾多無明煩惱直饒
高安灘上頓解知非便乃逆探龍額倒捋虎須據實
商量何似遇飯即餐逢寒着襖全放全收自起自倒
出羣標格正合如斯廣大門風憑誰繼紹金椎影裏
急回頭應怪山僧入荒州

送苴侍者

諸法無實相巧辨不能說掃空知見雲焉用辟歷舌
毘耶一默三千年黃河之水流接天曼殊大士摸不
着贊歎罔及徒拳拳爭如德山臨濟善用事棒喝隨

撰述
機若風雨此事如今幾箇知分付關梨自看取

送雲侍者歸雲門

香林舊入韶陽室紙襖年深黑如漆我今一字不會
談且免後人論得失君不見若耶溪上雲千堆一點
不着人間埃變化崢嶸亦何有白銀宮闕黃金臺涼
風西來吹爾急劈破玄關求路入浙江潮信正如山
渡水莫教雙腳溼

送大乘覺首座再叅松月翁

識自本心見自本性明來暗來頭正尾正大乘菩薩
信無疑小根魔子安能知手面擎來百日月毫端涌

出千須彌君不見曹溪之流非止水一滴不來波浪
起乳峰此語豈尋常克配乃翁三尺觜首座有長處
所以到這裏摩娑兩眼對西風白雲卷盡天無滓從
容近前與我言再叅願求長句爲司南忽然樹頭推
下金粟香毵毵撫掌一笑應相諳

送仰山侍者

最初機末後着趙州石橋非畧徇拄杖頭邊正眼開
奧域靈區無鎖鑰君不見仰山放出四門光照天照
地何煌煌黃河澄清貫海碧太華突兀摩穿蒼南斗
西北斗東空生巖畔華重重小玉頻呼雖有意檀郎

認得元無蹤絕思惟休擬議忿怒那吒擎鐵柱坐斷
江西十八灘密雲彌布陰涼樹

送昂維那之江湘

開牕畏嚴寒閉戶得觀雪跣趺萬慮寂一性自超越
道人踏雪來扣門鐵石骨氣冰霜魂笑我蒙頭紙衾
重軟語解使生春溫明朝踏雪江東去天生有此濟
勝具九江江上看廬山還向山頭看江水鄱陽之湖
天一角洞庭秀色浮衡岳白雲飛盡日蒼涼幾點沙
鷗鏡中落我生豈無江海興老矣無由事馳騁冥心
物表只神游佳處點頭唯自領君不見克賓不入這

保社徹底能扶老興化二十烏藤趁出山饋飯吹香
滿天下

送岐藏主

對一說倒一說黃河無聲海水竭三千刹土坦然平
八萬法門玄路絕祖師意如來禪取之左右逢其源
只今坐斷千聖頂何用顯實重開權或全收或全放
逆順縱橫難近傍紅爐焰上結冰華萬仞峯頭翻雪
浪歌不徹笑不徹海底蝦蟆吞却月憤怒那吒撲帝
鐘金剛腦後添生鐵

送朋侍者歸雲門

朋用良友用益益友良朋苦難得上何高兮爾不
下何深兮爾不卽扳兮卽今高與深上兮下兮古與
今一一從頭遍探討御來聽我無絃琴無絃之琴有
聲律河之洋洋山岌岌龐公馬公骨已朽俗耳要聽
聽不入雲門古來山水窟雪骨冰肌好人物萬壑千
巖夢寐中布襪青鞋漫馳突春風浩蕩吹晴波爲子
一唱雲門歌明朝雲門見親舊定應笑我成蹉跎

琦上人求警策

汝欲參禪求警策我正忘言味真樂真樂無涯只自
知警策多方待君學虛而靈兮寂而妙萬戶千門俱

一照除却頭陀解笑華是誰踏着通天窳拍板無
孔笛白雪陽春明歷歷百草頭邊聽得真下載清風
有何極

送聚書記

雲居山頭一句子獨龍岡頭不相似翻身踏着凌霄
峯井底蓬塵亘天起驚倒象龍千七百等閑擊碎蟠
桃核三乘教外論文章一字元來不着畫寂音惜懂
潛子癡炊無米飯充朝饑身如椰子膽如斗開口便
欲吞須彌我自龜藏老丘壑何從扣門聲剝啄揚眉
瞬目驗來風信是丹山多鸞鶯黃河九曲應已清岐

陽阿閣隨所鳴鈞天廣樂政可聽兩耳安用箏笛聲
送楚藏主自鍾山回天台省親

百丈野狐我自不會一句截流千古無對拈却髑髏
前忘想鳥啼花笑千峰上把斷乾坤箇是誰烈燄亘
天飛白浪鸞領祇園有何說梵語唐言試甄別老胡
版齒欠關風九載少林曾漏泄爭如金陵狂寶誌杖
頭賸有閒田地對人劈破金面皮不妨契得西來意
長林落葉西風急一曲高歌擬何適白髮慈親正倚
門莫道叅方無所得咄

示志藏主

正法眼破砂盆金烏拍翅扶桑暎煎膠續絃豈細事
胸次可使吞乾坤君不見曾郎脊梁硬如鐵鼇山雪
深凍欲折不是巖頭盡力扶爭得光明滿寥泝又不
見瞿曇棄却金輪位半夜翱翔雪山去六載精修萬
行林一朝坐斷菩提樹大丈夫兒合如此局促軒籠
不相似五須彌頂擊金鐘明月清風安可比

送明侍者見松月翁

明暗雙雙底時節山僧有口難分說侍者親自峨眉
來猶向松江問松月月明正照江上松白雲散盡空
噓空一機不借萬境絕赤手自可收全功濟北宗風

撰述
南生元留
三
端若此未必江西不相似要須踏殺天馬駒方可人
前論賓主江南兩浙秋氣深大江滾滾山沈沈一曲
兩曲無絃琴天荒地老誰知音

送琦侍者

壽山初退院侍者話行脚築著脚指頭清風動寥廓
天台雁蕩春意深百花競秀春雲陰鑑湖一望八百
里賀老不作誰知音雲門六寺可圖畫禹穴年深草
應隘老夫有脚不能行孤負東州草鞋債

送徹藏主歸日東

徹頭徹尾有一句一大藏教該不得文殊肆辨正忘

言淨名杜詞夫豈默君不見乾達婆王奏天樂大地
山河齊應諾飲光善舞不善聽草中露出祥麟角扶
桑道人真傑偉萬里東來發玄秘象王蹴踏振雄風
師子嘯呻更無畏我今既老當投閒道人且復歸家
山後夜滄溟浴紅日一笑懸知倚牆立

送天童覺藏主

三世諸佛是何物一大藏教是何語直指單傳顯正
宗爛爛覺華生確觜自古上賢猶不識中下之流豈
堪測黻瞎摩醯鬼眼睛大地山河墨漆黑黑中有白
光熙熙敲空作响開愚癡空拳指上實性義隱顯出

撰述

沒超玄微倒一說兮對一說今古幾人能辨別紛紛
墮在光影中大似獼猴探水月偉哉作者何方來江
村古寺相徘徊提金剛推碎窠臼用黑豆法驅英才
撒開兩手時一笑照中之用用中照北斗藏身豈偶
然南山下雨還同調明朝話別歸魯松鑊船打就成
忽忽隔山相喚解相應管取倒行摩竭今

蘇州府吳縣佛弟子丘隅法名淨孝捐資刻
南堂了菴禪師語錄十二卷專伸報薦
先考敬雲府君早生蓮界
崇禎八年乙亥歲佛歡喜日始蘇兜率園 識

南堂了菴禪師語錄卷之十三

南堂了菴禪師語錄卷之十四

叅學比丘善慶元寶慧朗等編

明 後學沙門兜率明聞重閱

偈頌二

送慧禪人禮祖

打破髑髏揭起腦蓋四七二三泥團土塊青艸堆中
撥得著鑑地輝天光爍爍丈夫膝下有黃金握節當
胸何  斟酌嘉州大像慕翻身陝府鐵
牛擷折角

次韻贈忻侍者

支那

南堂禪師語錄卷之十四

國師三喚失錢當罪侍者三應認賊爲子說什麼牙
如劒樹口似血盆檢點將來總是事不獲已等閒驀
過上頭關  平地裏相唾饒汝潑水相罵饒
汝接背會則全放全收不會則自倒自起卽色明心
附物顯理撥火求漚敲空取髓盡情拈出與君看認
著依然還不是直須自解倒騎牛我也誰能管得你

送煥藏主

入吉祥六殊勝一大藏教頭正尾正老胡舌端長復
短說盡偏圓并半滿拈來固好拭瘡疣放下豈能登
彼岸東山道箇鉢囉娘和杵托出誰承當好手從來

自無敵捉賊要須先捉賊摩尼之珠光燦爛未嘉收
得良堪歎撒向人前人不知拾礫春池有何限

送聰藏主謁晉卿學士爲竺元和尚求塔銘

歸源老人示真寂草木叢林俱失色眼睛不壞牙齒
存火後莖茅掃空碧平生說法如春雷震驚蟄戶迷
雲開高風亮節激浮懦傲世絕俗遺紛埃休居後師
恰五歲入滅先師十七載叢林未堪歎寥落尚賴東
南有師在師今旣往如之何山頽海竭江無波衲子
拊膺爭慟哭淚雨不斷空成河君不見湛堂末後一
段事赫赫光明在僧史晉鄉只今無盡公子也孰知

非妙喜須彌爲筆天爲碑大書特書不一書南泉遷
化正不惡東家作馬西家驢

送貞書記歸仰山

相見已了燒香換茶一語不發彼此作家無端提起
五色筆濺得空虛半邊溼撒出仰山圓相來電激星
馳海水立尚喜老僧心眼正鐵輪旋頂氣自定坐看
天外黑風收但覺平湖淨如鏡從容指似湖上山劇
談抵掌開懽顏拂袖還歸集雲去一鏃徑破千重關
送操侍者歸道場

操則存舍則亡衲僧門下不用商量得念失念無非

解脫舉足下足總是道場拄杖頭乾坤廓落鉢囊裏
日月交光向去底舍父逃逝却來底久客還鄉全超
法報化坐斷威音王平高就下振領提綱左顧右盼
今龍騰霧集前遮後擁也虎嘯風生

次仲謀師兄韻贈煥上人

不道相似只是不別南北會同上下交徹一句忽當
機開口非干舌佛海之龍僧林之月五領三湘七閩
兩浙騎聲蓋色也賣弄風流簸土揚塵兮豈存芳烈
齧鏃破關斬釘截鐵從頭檢點看如何拽脫多年繫

驢橛

送源侍者歸江心

從源討流葉落知秋漆桶不快騎牛覓牛沂流逢源
洗脚上船溟鵬九萬遼鶴三千老僧口角無憑據試
問通人是非是是也山環九斗城非今江抱龍翔寺
振錫叅方宜自決負吾負汝俱休說百鍊剛爲繞指
柔何似紅爐一點雪

送裕侍者省師

莫菜根頭足生意折脚鐺兒提挈去迢迢自不涉程
途綽綽誰知有餘裕有呼有應今古同手面推倒須
彌峯塵毛刹海露迴迴談笑便可恢吾宗師勝資強

水傳器釋尊不受然燈記沒蹤跡處解相逢萬法豈
能爲伴侶

送明書記

萬仞崖頭轉身句金毛師子自不類一吸西江徹底
枯馬師縮首龐公畏忽然平地波濤翻浸爛鼻孔何
時乾虚空失笑萬象舞梅檀葉底香曼曼拈却洞山
三頓棒凜凜英風爭近傍北往南來總未知蕭洲水
落沙痕漲

送慶雲東歸積善

海上日出雲之東天南地北光矐矐六龍夾飛黃道

正幽巖邃谷皆春風少林一花開五葉竺國支那沒
交涉沒交涉處忽融通若聖若凡俱慶愜一大藏教
說不到半座平分顯圓照太湖三萬六千頃月在波
心誰不了誰不了梅檀林下梅檀繞

次松月翁韻送育王旭書記

運斤之手受斤質二妙相遭眼雙碧鐵鞭鞭起泐潭
龍驪珠迸散慈明室辟歷一聲飛上天三關大啟天
不言拈虎須是分內事豈惟濟北能風顛咳唾隨風
落珠玉著渠政用天爲屋曹溪波浪拍天高天瑞流
芳恢正續

贈萬壽澤藏主

一代時教明什麼十箇五雙聾復啞楞伽山裏有真
僧不動舌頭談得也最初一句不在東扶桑曉日光
曠曠末後一句不在西玉樓撞動黃昏鐘蒼蘆噴香
芻艸碧萬境樅然自虛寂長鯨輾碎珊瑚林白月清
風太狼藉

三乘送浩首座東還

甘露室中親得旨掃蕩休居三轉語大藏小藏俱不
畱等閒坐斷南泉位驅耕奪食何雍容東敲西擊開
盲聾轉步徑超空劫外到頭不離尋常中興來唱起

還鄉曲調入陽春許誰續九天風正一帆懸遠水真成鴨頭綠

次仲謀法兄送徹藏主

三乘教外付法傳衣大哉聖謨誰其似之方鑿圓柄皆曰可疑游神絕域妙證無師電光匪急石火還遲粉身碎骨分張髓皮動絃別曲伯牙子期此戒定慧彼貪瞋癡迷其所悟悟其所迷萬機休罷一體無爲我以智眼觀汝設施言雖逆耳心不汝欺掃除四句併蕩百非懸崖撒手乃到家時飲水定渴喫飯濟饑但了許事焉問其餘稽首慈尊三界大醫直說曲說

理如事如我作 疋傷黃門栽須

贈未知客

庭前栢樹子趙州無此語築着老清涼蹉過覺鐵背傍觀一笑真可驚太華孽裂黃河崩彈指八萬四千歲日下不用張孤燈畢竟同途不同轍客到喫茶珍重歇合浦明珠射斗牛南山毒蛇鼻如鼈

送榕藏主

榕葉滿庭鶯亂啼一大藏教開金鏡妙高峯頭黑日月三千刹海無塵泥逆順縱橫總三昧捏不成團椎不碎善財七日謾追尋文殊百劫何曾會楊子江心

夜潮落枯楊槎牙枕龍角定回金殿鐵琅璫目送孤鴻度寥廓

送瑾侍者之廬山

廬山之南與山北白蓮香風日充塞滿空晴雪洒飛流九江政作琉璃碧道人胸次吞九江骨氣直與山低昂踏着遠公行道處朝鐘暮鼓相春撞玉峽飛龍掣巖電久視不知雙眼眩霜猿啼斷最高峯回首孤雲海天遠

華亭陸子才書華嚴經三部善住玉岡作偈美之寶林別峯仲寬潘公輩十人咸和之玉岡索

予次韻

雲間九峯如卓筆畫破虛空不成一煥然文彩發天章元是毘盧藏中出毘盧之藏超斷常杲杲赤日飛清霜妙高嶽截路迴迴百城助握何芒芒心垢未除須用洗不洗安能契真理絕情忘真亦非白牯狸奴兩同體宗亦通今說亦通頂門之眼懸三瞳重重無盡法界觀歷歷不昧空假中酥酪醍醐最殊勝寶林琪樹尤瓊瓏別峯相見是此日握手一笑應相容以禪爲悅法爲喜陸潘豈亦滄洲子善住堂前演貫花舌本瀾翻四河水

送天平士瞻之仰山爲其師佛智立碑

金鷄銜來一粒粟石上迸出雙雙玉江西從此闡宗
風挨轉天關并地軸全機獨晦唯乃翁羚羊掛角那
畱縱涅槃後有大人相光明燦破無邊空奎章學士
千鈞腕筆端點出金剛眼但將日月作穹碑開鑿人
天有何限夏復夏秋復秋掛帆西上風颼颼山悠悠
水悠悠春光盡在梅花洲

送柔首座

四句離百非絕兜率宮中熾然說八萬塵勞一掃空
珊瑚樹底懸明月道人胸中有丘壑道人胸中有天

地祖意明明百草頭全潮滾滾漚花裏七年契濶方
再逢碧眸貫日磨青銅淨掃松堂演黃卷洞庭烟浪
搖晴空趙州茶雲門餅靚面當機須痛領轉身拶倒
石門關不妨親到琴臺頂

送義侍者之何山

字則不識義卽請問一句截流羣機自債百草頭上
薦得老僧六十蒿枝再思一頓祖禰不了殃及兒孫
似鶻提鳩方堪持論妙峯聳峻天外青小溪流水聲
泠泠領取八萬四千偈歸來舉似吾與聽

送玄首座之台雁

妙菴

道人金陵來志氣吞佛祖燒香坐長夜出入論今古
睂間掛劍全生殺手面有機分與奪翻着襪衫舞柘
枝電光石火橫該抹台山雁山何岌巽掛帆東度錢
塘潮春風浩蕩徧八極石上正好栽瓢苗

送資首座禮佛性塔還江心

欲識休居大人相屎臭熏天難近傍若謂花開臘月
蓮正是龜毛長數丈鳳臺崢嶸春復秋三山倒卓長
江琉璃殿上無知識湘潭北何悠悠四句百非
俱一掃中川月色連蓬島謝郎只在釣魚船黃塵白
沒長安道

送昇侍者遊江西

日日日東昇日日日西落君山一點洞庭秋衡岳千
峰倚寥廓遠公胸次吞九江高揭太古窺洪龐手挽
飛流濯芒屨幻視寵辱如枯樁向來白蓮池上花金
臺隱現凌形霞浩歌一曲千載下天風撩亂吹袈裟

送靈隱康首座

法法向上有一句特地思量無覓處忽然突出口皮
邊萬象森羅眉卓豎東行西行天地寬左轉右轉珠
走盤金椎揮空日月落寶劍出匣波濤翻透網金鱗
重躍浪回途石馬爭相向握手威音大劫前明投暗

合看敲唱東山之曲下水船妙自非妙玄非玄拈來
塞斷衲僧口破的絕勝邨羅延第一峯頭如此去八
臂那吒留不住勘破諸方却再來別有清風動寰宇

次韵送仰山珍藏主

不然不然如是如是道得分明較三十里金烏啄破
琉璃殼愛若多神剛發惡當陽拶倒鉢圍山歷劫昏
衢頓昭廓話盡山雲并海月抹過江湘與閩浙競誇
赤驥解追風誰信螳螂能拒轍斷常已破談真空二
邊不立邨留中將南作北西爲東熱喝痛棒驅雷風

次韵贈熙侍者

見得到說得好者箇事無少老不明自己擬設誰纒
說爲人先落草收虎尾踞虎頭謾誇倒岳仍傾湫捉
將來無有輕放過之理撞著底是不共戴天之讐忍
辱衣慈悲室到此揔須勾一筆平田淺草驀翻身佛
手未伸驢脚出正覺場須彌座把斷乾坤能幾箇只
應侍者解叅禪始信祖翁家活大

送徑藏主歸永嘉

一徑直二周遮大藏小藏水月空花永嘉謾誇一宿
覺遠床振錫成聲牙韶陽老師倒一說覲面豈免揚
塵沙舍窄從寬欺胡謾漢將長較短把髻投衙盡情

列下別有生涯掣動六鰲三島轉直鈎端不在魚蝦

送梓藏王省師南山

北山來自凌霄峯眼光爍爍寰宇空掀翻花藏世界
海舉措不墮言思中電轉星飛看布武法戰場中用
膽露叱咤喑鳴陷虎機倒戈卸甲河沙數西祖傳來
古錢鉢誰道年深少提掇碎打零敲不足論千里萬
里橫該抹阿師黃金臺上客鶴貌雲儀好標格五位
君臣列正偏三玄體用超明白我昔始搥塗毒鼓曳
杖來尋巖下路奮翮長馮北海風澤毛笑指南山露
用舍行藏各有時此意未許常人知青山從教映白

髮赤驥自合隨龍飛君不見南陽老昔日對揚曾草
草大耳驚翻眼底花紫璘喪却衣中寶今兮古兮爭
幾何影草不露仙陀婆子母驀然同啐啄金烏迸出
琉璃殼

次松月翁韵送清上人

佛身無爲不墮數往復要須行大道鍊壁銀山拶得
開四方八面無回互沒絲毫全體露禪之龍律之虎
苦中之樂樂中苦清禪清禪聽我言先天未是心之

祖

送現藏主

撰述

現成公案不涉安排一見便見早隔天涯三世如來
開眼作夢一大藏教撒土拋沙雪峰三登投子九上
洞山泊乎鰲山店中未免從頭列下興化南方行脚
不曾撥著一個會佛法底逗到大覺棒頭深明臨濟
在黃檗吃棒意旨政好掘地深埋咄咄如今是什麼
時節初冬暴寒長河凍結可行則行當歇便歇此事
何須待人說

次仰山了堂韻贈齊藏主

一大藏教破故紙未解爲人先爲已眼底纔明向上
機口頭自沒閑言語東山酸餽苦無多嚼破方知滋
味美賢也由來固可尊愚也如何便輕鄙魯祖見人
卽面壁俱胝見人唯豎指隨宜施設有多門究竟還
源無別旨一毛端上忽翻身百億毛頭總如是蓋天
蓋地更由誰脫體承當多在汝

送國清朗藏主歸太平

大藏小藏風高月朗全提半提雁蕩天台羅漢寺裏
一年度三個月行者真淨老子甚處得者消息來倒一
說對一說明眼衲僧如何辨別卽此用離此用太平
寰宇迥絕疑猜如此如此俊哉俊哉堪笑當年馬駒
子震威一喝聲如雷

送道藏王歸蔣山

出得靈巖門便入蔣山室
撼碎摩尼珠乾坤黑如漆
寶公擘開十二面僧繇閣起丹青筆
夜半放烏雞觸著泥牛吼
正宗堂下草連天三佛家風俱漏逗

次東山法兄韻送允藏王

三乘教外無能過領畧得去還
仙陀諸方豈乏斷貫索柰此六馬追風
何見說虛名掛官府點額曝腮多
少苦肯信深山窮谷中
別有高標繼先祖我家大兄
山東翁玄關一擊千萬重
入泥入水寫妙偈且可與
子開青瞳

前江心無言作偈送暢藏主來靈巖無際仲謀
和之會余已謝事因次韻以贈

法法本圓成塵塵自叅互當知日用中不離寂光土
驚沈鸞嶺拋沙土何曾說著到家句三翁苦口力提
持密意明明元屬汝可憐王老師不打者破鼓休將
理事論迴出言思處龍兮焉用攀鳳也何須附海上
橫行儘自由妙德空生俱欠悟

送和藏王

真性心地藏日用無差忒
截斷萬機先何處尋踪跡
透脫不過金圈金圈吞吐得
行栗棘栗棘鑲壁銀山

勞面來個是真人好消息

次韻贈仰山繁侍者

大仰拋來圓相慈氏豁開樓閣透出向上玄關總是
機先妙著千年舊話重行萬里神光閃爍鳥窠吹起
布毛畢竟如何領畧諸方大有明珠只作豌豆糶却
次松月法兄韵送杲上人

黑漆漆地明杲杲丈六金身一莖草神頭鬼面漫施
呈聖解凡情須淨掃下自無底高無巔毫端特地分
天淵破瓶不可作瓶事如電久住芭蕉堅萬里秋光
連海嶠霜清大野歸鴻叫朗調寒山三百篇何待括

花發微笑我觀古佛松月翁老氣往往吞長虹不知
禪源倒溟渤但覺筆陣驅雷風普應羣機了無怠天
瑤流芳轉光采撲碎驪龍頷下珠一粟真堪眇滄海
次韵送靈隱芳侍者

國師三喚曹溪一宿會則白雲萬里不會寸釘入木
支那竺國兩沒相干四七二三有甚付囑以一重今
去一重湖光激灑山空濛不以一重去一重海棠帶
雨胭脂紅白髮老僧夢初覺屋角風響聲丁東德山
之棒臨濟喝金剛腦後添生鍍糞掃堆邊輟出來笑
倒柴桑陶靖節

送芾藏王歸翠巖

道人天馬駒踏踏空寰宇勘破王中賓作得賓中主
信脚躍翻華藏海日用頭頭自無碍眉毛落盡又重
生翠巖可憐還堪愛怪也怪不盡愛也愛不徹三千
里外謾多情靚面相看政無說無說多情誰與知爛
爛黃菊開東籬瓦盆炊黍秋日微清霜滿地黃葉飛

送効藏王之國清

少林之曲琴無絃一鳴一息三千年諸方欲和和不
全翻腔轉調徒喧闐東山後來下水船逸韻絕出玄
中玄節拍於今落誰邊知音未遇還堪憐和風吹衣

陽艷天浩興突兀三台連石橋飛雪噴長川豐干一
笑寒拾顛

送理藏王

以字旣不成八字亦不是截斷心意識顯示真如理
鳳臺王山頭倒卓六月炎天洒霜雹眼裏無筋不易
窺脚跟有路通寥廓水流溼兮火就燥擬究宗風須
撥草百尺竿頭舞拓枝二三四七俱驚倒

次紫籜了堂法兄示智上人韻

上旣無傳下亦無授截斷衆流涓滴不溜杓卜聽虛
承訛接謬孰有智人爲物所誘合眼作夜開眼作晝

病入膏肓神醫莫救絕後再蘇如鍾待扣泉何盜而不飲餌何驕而不鯁物何以而謀新人何以而求舊爾其索玄珠於罔象慎毋役聰明於莫詬庶幾契心祖於先天政不必論遙遙之華胄

蘇州府吳縣佛弟子戴天俊法名淨信損資刻

了菴禪師語錄第十四卷之十五卷

爲薦先考及泉府君

妣陳碩人早生蓮界

崇禎八年乙亥歲次開爐日姑蘇兜率園 識

南堂了菴禪師語錄卷之十四 終

南堂了菴禪師語錄卷之十五

叅學比丘善慶元寶慧朗等編

明 後學沙門兜率明聞重閣

偈頌三

和仲謀兄韻送埴侍者

叅底未是禪學底未是道真叅與實悟無好無不好
東山老祖翁求人曾入草日午金雞啼非晚亦非早
握手報長廊殊堪慰清抱高風三百年撫掌贈一笑
隨聲逐色漢何處尋頭腦道流子箕裘應自紹
平生白雪歌毋勞語山猿

送隱侍者

向上一著不涉言詮會即便會擬卽招愆若是本分
人愁甚本分事當知佛與祖盡從者裏去拈須彌山
秤作二兩東山老漢可殺生獍用黑豆法換人眼睛
松源曠翁更不覩是一絲一糝去不盡動卽遭他神
鬼領說妙談玄大可憐馬後驢前恣馳騁快須剪斷
五色索騰身坐斷千聖頂呵呵會也麼古今天地
古今山河晝明夜暗日暖風和一曲高歌歸去好擘
開千嶂入烟蘿

送淨慈明藏主

宗門有體復有用後以智拔先定動棒頭五嶽落岬
嶸喝下千江乾洶涌卽今拈却棒與喝全與何妨亦
全奪戴角擎頭與麼來幾箇死中能得活維揚道友
眞屈奇一大藏教難羈縻揭開宗鏡照塵刹炯炯壁
月揚清輝昨霄爲我留一宿話到無言心自足撥轉
船頭歸去來斷絃誰把鸞膠續

送廣藏主

佛法遍在一切處何曾覓得芥子許一芥子許不可
得遍一切處俱昭著天之高地之廣日月星辰明朗
朗狸奴白牯念摩訶妙德空生剛鹵莽有照有用有

罰有賞七棒對十三幾人知痛痒他日孤峯正令行
會須揭此崑盧藏

送遠藏主歸省白鶴雪心

道無方行者未易窺其疆脚跟不動忽踏著誰謂近
在肩睫旁雖近而遠遠而近至無所至那容量春已
過日正長入夏更覺南風涼八紘雲收宿雨霽一目
萬里天蒼蒼道人昨日離錢塘今秋又云歸故鄉阿
師禪心瑩如雪真與松月爭明光往來不往來是藏
不是藏除却南泉王老師一曲清歌有誰唱

贈模藏主

打破鏡來相見了一輪杲日當空耀三世如來不出
頭五千餘卷何從討不權不寔非偏圓教外所以稱
單傳少林直指早成曲肱驢滅却方超然道流頂門
三眼正草偃風行看號令堪悲堪笑老瞿曇昨日定
今今不定

送皓藏主

我師休居不師其道不師其德不師其當默即語當
語即默不師其生擒周金剛活捉白拈賊惟無所師
而師之畢竟何如豈不見白雲老祖曾有言一文大
光錢買得箇油糍喫向肚裏了當下便不饑又誰管

你南天台北五臺清涼山中萬菩薩引得長汀老子
拍手笑哈哈咄

送慶侍者之淨慈

大千總是如來藏宗鏡高懸空萬象赤梢一躍透龍
門平湖漲起千尋浪老僧急卷袈裟角看汝青天飛
雪電朝生便是鳳皇兒笑倒松頭千歲鶴

次韻送僧歸蜀

行甚驢腳馬脚惹起千疑萬疑要識本來面目好看
秋月揚輝多少黠兒落節重來眼上安眉著衣方堪
禦冷畫餅豈可充饑撥破劔門關子回頭日在松西

次育王雪牕韻贈印書記

一句子龍無龍總拈却稱長雄灼然不墮言思中單
非隻兩非二老胡打失當門齒妙彈無絃誰賞音還
我東山左邊底最卓犖端尋常毫毛豈足賞短長撥
著三關應手破海印湛湛涵秋光跨三賢超十哲頂
門別有通天穴滿肚文章一字無賊面似人人似賊

送淨慈拱藏主再參前蔣山正宗

經頭字無人識作者相逢拱而默懸河四辯一時乾
八萬法門空寂寂湖天雨足涼氣浮翠波蕩漾風颭
颭語默商量不到處柳岸數聲黃栗畱剔起眉毛眼

如月老我何須更饒舌東歸會見鍾山翁自有生機
爲君說

次韻送洽侍者

接響承虛真浪受大丈夫兒還肯否便請從頭放下
休不然且向東西走今年已過還明年祖意的的教
誰傳三喚三呼絕消息未必落在空王前南堂老比
丘有口不說禪饒你領得去且不涉語言咄如斯舉
唱浣心田須信壺中別有天

贈操栢庭

趙州說禪真逸格人問西來指庭栢坐令門戶生清
風豈唯體用超明白突出楊歧尤傑特栗棘金圈亂
拋擲弄蹄驢子快騰驤踏碎乾坤了無跡兩翁不作
知幾年靈山一會還依然剔起頭陀笑華眼攢峯峭
壁開青蓮春滿江南又三月柳絮漫天作飛雪爲君
傾盡此時心昔也不來今不別

送杲藏主

百丈再叅遭熱喝黃檗聞之驚吐舌正宗滅向臆驢
邊衲僧有口難分說慈明易服歸汾陽風餐水宿何
皇皇孤標拔俗三百載高義乃復摩穹蒼不顧危亡
何太錯虎頭截得蒼龍角踏著鴛湖徹底乾萬里秋

空飛一鶚

贈碩藏主

一大藏中無法說道人慎勿生枝節少林直指早成
紆我也安能更饒舌千葩萬卉方爭春出頭天外今
何人壁立萬仞轉身句一蹴大地無纖塵豎抹橫該
君自看寂兮寥兮光爛爛百鍊金爲繞指柔直須再
入紅爐鍛

送慧藏主歸上江兼東能仁清懶圓通約之歸

宗玉嶼

以戒爲身以慧爲命演出演入無少無剩開口便吞

三世佛嚼碎虛空吐出骨虎領編須未作家免頭截
角方奇偈我有一句在汝邊白雲堂下波粘天圓通
不開生藥鋪頭陀石被莓苔纏

送錫藏主自大仰東還寧親

辭親依師年尚少辭師寧親豈容老父母師僧兩不
違孝順端稱古皇道白雲孤飛海天碧岸柳江梅得
春早我亦有親當一歸斑衣兒啼笑絕倒出家終無
在俗理懽笑幾何還懊惱悲歡本自無根蒂情愛牽
纏苦懷抱要須揭起大圓鏡愛垢情塵俱一掃只今
非往昔非來覺慧發光明杲杲以此報師師謂然以

此報親親謂好萬機休罷到家鄉一體無分是僧寶
先保寧和尚送宣維那偈弘藏主求和

昨夜虛空都撲落天明火中尋得電威音那畔訪知音
曹溪撞著一宿覺大都說話不倒邊折筋攪動蒼
龍淵擊碎驪珠亦閒事坐看平地波黏天亘古亘今
唯有此欲觀前人觀所使擡眸何處討三賢舉步等
閒超十地此宗此宗須自得自得不得他人力同鍋
喫飯共牀眠肝膽到頭成異域休居唱兮南堂酬毘
盧藏裏堪遊萬法不能爲伴侶孤月自解隨三舟
送雪竇良藏主

妙高臺上雲錦鏡池中月清影落人間孤光滿寥泝
四十九年說不到老猿啼斷中巖曉草中逸出睡菸
菟驚起二靈行鳥道

送萬壽真藏主游台雁

台山雁山高且寒五月六月飛水湍山形杖子旣在
握探頤自可資游觀危峯爭爲寶幢立線路或作羊
腸蟠不知應真說何法但見花雨飛漫漫何如撥轉
毘盧藏一道神光吞萬象掀翻海嶽更無倫隔靴豈
用拳抓痒

行可出先保寧贈偈求和

樹提婆宗結衲僧舌龜背刮毛針頭削鐵觸著人我
無明討甚法喜禪悅三冬枯木滿林華九夏炎天連
地雪作家還我老玄沙解道靈雲曾未徹磊磊落落
處大段周遮切切怛怛時不消一掣萬機休罷而于
聖不攜兮內空外空內外空逼蛇化龍而剋期取證
今一月二月三四月

送法喜滅宗

威音已前無授受釋迦枉落然燈後鶯嶺拈華謾泄
機少林得髓爭呈醜黃梅夜半築底錯老盧把往元
非惡可憐馳逐天下人接響承虛都不覺道人且喜
相忘久來去不妨空兩手邁古超今豈等閒奪食驅
耕咬猪狗君不見當年臨濟辭黃蘗禪板拈來與燒
却正宗滅向臍驢邊草裏鐵蛇頭戴角

次韻贈思侍者

渡水穿雲訪師友朝談天台暮賢首已躬下事合如
何揆著人人少知有未善叅詳聽我言只者如今誰
動口彼此僧中大丈夫何用隨人脚跟走東山頂上
闊著步玉几峯前展雙手撥開萬象見全身截斷羣
機示真吼小根那敢妄搏量佛祖始堪論授受金鴨
香銷錦繡帷地戶天門俱脫白

贈南宗

南宗密印傳來久十聖三賢不知有拽轉虛空背面
看錦縫重重貫牛斗棒頭喝下明真機德山臨濟還
堪悲脫窠裂白領得去風飛雷厲方相宜我是乾坤
無事客驗盡銅頭并鐵額塌來拋向太湖中一枕高
眠真上策

用本覺楚石韻贈怡雲屋

楊歧石牕好尊宿襟度潭潭如廈屋舉措彌增佛祖
光行藏廣布人天福贊成宏智匡慈明等是鷲峯親
付囑斷絃妙在鸞膠續與吾一鼓雲門曲高山流水

少知音白雪陽春和何速楚翁平生五鳳樓無媿大
悲千手目我去靈巖三載回喜見雕甍起平陸柱石
端爲不世資棟梁豈是尋常木主伴能操不二心今
古還同一機軸如風從虎雲從龍似地擎山石含玉
大匠固知無棄材善賈何曾有停蓄撮將大千爲粒
粟體亦足兮用亦足用亦足羅湖不生誰可錄

贈無爲道者

歸峯道者稱無爲傲睨物表超希夷有時分身徧塵
刹直與佛祖爭驅馳佛祖何先我何後爲而不爲終
傑斗夜升兜率晝閣浮問著時人罕知有多少凝眸

覩破壁兀兀堆堆守空寂到頭不會轉身句如此修行有何益要識無爲聽吾說孤蟾冷浸千江月波波頓現是尋常處處相逢元不別我心與月同虛閒照天照地相循環光境俱忘照自寂一聲霍喚來雲間

次石佛元菴韻送聚維那之龍河

新昌石佛聞名久無邊剎海毫端有九霄雲外現全身萬仞峯頭垂隻手衆生顛倒難教化往往東行却西走佛也由來不奈何我又如何開得口道人袖裏黃金椎自堪殞碎魔軍首妙用靈機苟現前不妨觸處爲真吼君不見龍潭老人吹滅燈光射七星并八

斗子也親承石佛來不知石佛曾言否更從言外訪知音眼中何處存妍醜黑暗女與功德天有智主人俱不受南堂與麼老婆禪未必七分能構九

送輿藏主歸省保福一菴法兄

卽心卽佛與麼住狸奴倒上菩提樹非心非佛與麼去生鐵秤錘被蟲蛀松華爲食蓮爲衣懸崖峭壁何巍巍把定牢關欠活脫放開線路終相宜藏主近前出隻手撥動金毛師子吼若問靈巖事若何黑黑明明三八九

和仲謀韻贈舟維那

噓一噓吹一吹脚跟不點地鼻孔大頭垂全身入草處打失兩莖眉聲前非聲布漫天之鐵網色後非色揚徧界之風漪或喑鳴而叱咤或顧盼以踟躕高來卷舒方外俊處穎脫囊錐沙塲百戰氣浩浩太華一擲空巍巍作家相見有縱奪千聖向上無鉗鎚覺天之日忽已墮魯陽之戈誰與揮馬祖堂前再參句妙峯孤頂清霜飛一喝果然聾兩耳大唐國內無禪師

送珍上人回鄉

從門入者不是家珍百草頭上覓得全身拈一放一有甚好出此沒彼徒因循衲僧拄杖六七尺敲風打雨驚天人手面靈機絕思算頂門正眼無疎親出生父母只者是凌滅佛祖超常倫踏著石橋成兩截一聲喝散千峯雲

次僊巖仲謀韻贈堯上人

究已明宗自爲策何用迢迢遠相索未離歐阜早差池踏破吳雲轉懸隔君不見月兮不待風而涼又不見日兮不待火而赫要知生佛兩同源合信曹溪無正脈窮玄微善探頤烏本非玄鵠非白無明煩惱是真如虎穴魔宮總安宅英俊流終逸格九萬扶搖方展翮塵沙劫海剎那間百億乾坤一毛窄敲東擊西

喚叔作伯阿刺刺透網金麟遭點額

雪菴瑾和尚偈禪者求和

眼中之句句中眼貶上眉毛還不見有時提起金剛
王有時獨弄無文印神仙秘訣誰堪傳劫外日月壺
中天太白山頭燄爐雪鬣鼻徑把長蛇吞

送蔣山淵維那歸蜀

道人曾見三佛來桶箍脫處心眼開回首成都一萬
里峽流春漲爭喧豕君不見德山老漢初出蜀未戰
全鋒先挫衲那堪夜叅吹滅燈從茲不唱還鄉曲拈
得拄杖猱如龍訶佛罵祖鞭雷風如今叢林無此翁

作偈且送淵性空

送敏侍者

訥於言敏於行叅方且要求宗匠卽今海內誰可師
之子行行好尋訪汝不見嘉禾古有雲門翁手面一
著驅雷風顧鑑機先重遭撲電光石火徒忽忽東山
顛佛果瞎特地分身徧塵刹金雞拍翅下聲啼便解
人前施盂八

示中上人

我此法門中大本在見性一見一切見如臨大圓鏡
穠纖旣可鑑本末自澄瑩迷時聖是凡悟後凡爲聖

迷悟兩超越聖凡同響影廓然洞無疑叅學事已竟
次韻贈善上人閱經

一大藏教五千餘卷剎剎全彰塵塵頓現耐重撲到
金剛神釋尊不坐空王殿高來低應谷響泉聲暗合
明投神形鬼面爾旣檐枷過狀我則據款結案機先
領旨討甚仙陀格外明宗早不著便除是本色流一
見卽便見咄咄還知麼直須斬釘截鐵輒莫綴齒
粘牙不涉安徘羣機曾應現成受用毫髮無差兩手
擎來耳朵中堪容四大海寸絲不掛眼睛裏可著恒
河沙揭開摩竭靠倒毘耶天上人間有此沒量大漢
驕聲蓋色寔謂妙不可加會則目前包裹不會別立
生涯熱卽取涼寒向火饑來喫飯困來茶

次韻示僧道舍人

我此一宗不立文字四七二三如水傳器欲得親切
去却藥忌匪學而能匪行而至俱胝一指大士千臂
知是妄覺不知無記決要完全直須打碎是頭頂天
是脚踏地父子主恩君臣主義辨色分香有眼有鼻
可進則進可退則退能使於物不爲物使凡聖兩忘
自他兼利咨爾僧道固爾初志念茲在茲圓成覺知
爾本無求我亦無示廓然現前非言非意宜善護持

母自輕易

送曙藏主

道人信宿來禾城三反無覓南堂處乃知善財叅德
雲七日之間亦如是德雲不離妙峯頂山僧豈出南
堂裏中途百念忽頓息白鳥蒼烟盡知已握手一笑
載以歸尋得匡牀倒身睡明朝欲唱還鄉曲睡起先
求贈行句我觀汝昔元不來今也何爲却言去不來
不去兩俱捐故國清風半帆耳山僧爲人無寔法汝
也臨機好看取更說甚麼雪峯老漢九上洞山三登
投子檢點將來政是黑山下鬼窟裏活計直饒鼇山

店上盡底掀翻何異鄭州出曹門遠之遠矣咄咄
住住住歸向扶桑更那邊別有光明蓋天地

贈徑山經侍者

百尺竿頭進一步步步超越河沙數平田淺艸幕翻
身幾箇解分泥水路荒郊雨後泥水多在江滿江河
滿河老農晨興鋤苗草作勞羣起高聲歌赫日炎炎
燒碧漢喜有風生楊柳岸道人不憚泥水深屹屹通
身流白汗入門一見忘主賓道義篤切情彌親話盡
山頭十年事如夢如幻如浮雲坐到水乾泥亦去雪
車往往羅氷柱金鴨香銷意自閒別有嘉聲繼先祖

撰述

南堂禪師語錄卷十五

贈淨慈叢藏主

一大藏教未明旨 山色湖光照牕几 永明宗有一大
藏梵語唐言提不起 碧海紅塵貼日飛 牛胎生得香
象兒 踏碎乾坤無朕跡 大悲千眼焉能窺 天台道流
何卓犖 未言先領俱 昭廓丹山鸞鳳九苞文 祥麟只
有一隻角

示靈隱景巖藏主

是大法藏不涉名言 衲僧日用諸佛本源 豈唯智者
親見靈山一會儼然未散 卽今老僧與汝同處 曾光
明殿 揖舍那尊把斷 要津不通 凡聖掃除 露布迴脫

根塵咄珍重 橫肩鐵拄杖 莫教築碎破沙盆

送來維那叅松月翁

真淨界中無一法 畢竟渡河須用筏 幡竿尖上 驀翻身
誰管石頭行路滑 浩然一月千江心 松風正奏無絃
琴 八絃雲靜夜氣肅 老龐不作誰知音 子欲叅玄
宜撥草榻底 脫時方是了 袖裏金鎚影動 搖家家門
首長安道

送壽藏主東歸

扶桑道人來自東 一舉九萬乘天風 探珠不入娑竭
宮 十年踏徧中華中 中華之中何所遇 白日西飛水

撰述

南堂禪師語錄卷之十五

東注如看楊花作雪飛還驚白雪如飛絮太華磔裂
黃河乾已躬下事何顛預顛翻大藏五千卷一句未
始曾開端驀然來見南堂老萬種千般俱一掃曠劫
無明當下消先師公案登時了明牕之下下一榻百
尺竿頭恣騰踏外道天魔總倒戈龍泉太阿初裏回
明朝歸去楞伽巔順風依舊三日船親朋有問本參
事向道晨朝熱水洗面晚下脫襪打眠畢竟如何咄
神仙秘訣父子不傳

南堂了菴禪師語錄卷之十五

終

南堂了菴禪師語錄卷之十六

叅學比丘善慶元寶慧朗等編

明 後學沙門兜率明聞重閱

偈頌四

止止軒贈張君茂

君茂作軒名止止其所止毋乃是要知真止初不
然止無所止方通理疏之所以明其元泥之所以塵
勞起漆園老吏豈解事虛室生白謾自喜若能轉物
卽如來自然躍出壘甕裏六窻寥寥秋月明山長海
濶天冥冥漁歌斷續蘆花汀止止於此將忘情

支那

南堂禪師語錄卷之十六

半山古原作燕居勝曰信菴因璉藏主來徵偈
偉哉信菴能自信古聖今賢同一印盤結孤峰豈等
閑棒頭喝下無生忍覺城東際信不及走遍南方無
處立彈指聲中得路歸法界重重曾頓入一念不起
無浮漚廓然三際空悠悠萬仞崖前布鉄網九重淵
底拋金鈎君不見汝家開山眞淨翁邁往之氣凌長
虹一生善弄大旗鼓力排戲論恢眞宗公作信菴吾
作偈落落風規宛然在謝墩吞却寶珠峰還放秦淮
東入海

竹堂贈琦藏主

竹間著此半間屋夢中盡是鈞天曲覺來宴坐寂不
動但見繞簷排翠玉風菽菽雨菽菽月色天光蕩心
目神也清骨也清八萬四千毛竅俱通靈君不見東
坡道人鍊拄杖敲空有時能作響不問人家與僧舍
腳頭到處成真賞又不見當年香嚴老古錘等閑一
擊忘所知潑天富貴赤骨律卓錘無地良堪悲如來
禪祖師意劈箭機鋒建瓴水百尺竿頭掉臂行剗定
乃兄三尺背

芥室贈靈藏主

道人一室如一芥大小輪迴無不在中有百億須彌

盧圍繞無邊香水海一室旣爾百室同千差萬別俱
圓融毛端寶刹乃其戲似水入水空藏空君觀見行
三昧事諸佛衆生本非二聖凡情盡體如如是則名
爲不思議疎簾高卷心境閑蒲團曲几安如山光風
霽月相回環孰謂此地非人間

袁雪齋贈壽首座

道人不烹龍道人不魚鳳道人兀坐深齋中爛煮雪
團充法供一飲毛孔生清風再飲肌骨冰玲瓏東土
西乾接手句玉應未了仍金春品字柴頭春滿屋紅
麒麟誰敢輕觸後夜夢升兜率宮覺來床上伸雙足

靜趣軒

保安招提古城裏法師作軒名靜趣一心不動萬機
閑三際泊然如止水軒前修竹叅天綠竹下清池浸
寒玉妙談般若本無言安用琅函五千軸好風吹折
芬陀利權實同時盡昭著靜猶不立趣何存未入此
軒須瞥地

大樹軒

老禪作軒臨大樹樹下棲禪真得趣直將大樹傍禪
軒千里求余寫禪句問君此樹何年栽綠雲罕地青
崔嵬長天不放日月下挾座只驚風雨來一道陰涼

撰述

百衲禪師詩卷一

撰述

同濟北空盡勞生

同濟北空盡勞生
心意識六十蒿枝痛未伸再思一
頓從何得

聽夢樓

百尺樓頭展雙足
一枕黃梁午炊熟
江城五月落梅花
舉世真成蓋蕉鹿者
一曲那一曲天鼓希聲斷還
續閉一目開一目起來更把身翻覆
三際寥寥萬境閑
六用門門總休復
太原何有建隆眠
永嘉謾向曹溪宿
風流輪與老馮山
二子神通良不俗
面湯纔去手巾來
一椀釅茶濃似粥

環翠樓

道人高居環翠樓
筠窻面面山光浮
白雲朝飛宿雨霽
甘露夜注青玉甌
長林乘風怒濤吼
當暑忽復如清秋
金經琅華藏海公
案了了蒲團頭
童子南詢斂念入
彈指千劫何悠悠
東歸未盡若耶興
尚可爲子聊一遊

聽松堂

風來松韻清風去
松韻停松堂
得松韻六月生
清水重陰覆
瑤席時作韶
鈞鳴世無寒
山子好在誰解聽
我欲呼朱絃
和此太古音
忽聞深澗泉
悠然契吾心
空空室

道人一室如懸磬榜以空空頗相稱忽然突出三萬
二千師子床攝入毫端無少剩謂之有佛面等閑成
百醜謂之空帝珠寶網光重重空而不空有不有象
王回旋師子吼白戰將軍不用兵太平天子垂雙袖
耶烏伊誰與知水晶簾外天花飛兩頭白拈脚踏拍
三面狸奴舞柘枝

歸雲亭

作亭竚歸雲雲歸宛亭亭道人本無心澹與雲相應
夾徑樹嘉木泂溪羅翠屏人閑境逾寂雲白山自青
看山坐亭上披雲濯清冷

綠雲軒

長松翠竹當軒窻奇峯削玉摩穹蒼綠雲隔日南薰
涼竺墳魯誥堆滿床道人深居萬慮忘知見散作毛
孔香客來問法呼煖湯一試車聲繞羊腸

朴菴贈華侍者

朴菴朴菴求我歌時之不如朴何窮奢極侈世所
尚懷貞抱素無乃訛朴菴朴菴聽我語羲皇上人葛
天氏有耳不聞絲竹音有眼豈知軒冕貴低可穴兮
高可巢蓋頭何處無莖茅汗樽杯飲本自足黃桴土
鼓焉用教歲晚忽然情僞作七竅崩分混沌鑿有時

拔劍斬風輪驚起泥牛鬪折角我歌此歌君莫嗤大
空小空渠得知萬事到頭難準擬早來百鳥啣華去
止堂贈運侍者

止堂止堂求我歌三請不止如子何不若如今便休
去免教平地生風波止堂止堂聽我語川之方增豈
得已倒流三峽迷九淵崩騰澄渟皆此水動兮靜兮
誰所作卷兮舒兮亦昭廓寥寥虛室生白光落落靈
機洞靈覺動相元無安有止左搓芒繩縛山鬼銅沙
羅裏滿盛油坐斷乾坤只是靜相亦無安有動百
花競作春風夢東山家燕此時開囉囉囉今囉囉送

我歌此歌清夜闌萬籟聞寂神思閑何人披雲發長
嘯一聲迸落千林間

承天毅首座號木翁松月翁更曰剛中求正于

余余曰剛中其字也木翁其號也爲說偈曰

阿翁胡爲事木訥口不能言意奇倔一機截斷凡聖
情裂石分崖露風骨松月見之呼剛中諸方見之稱
木翁一爲其字一爲號落落總可魁羣公君不見牟
尼化身千百億多少嘉聲振金石兩元非異一非同
究竟真成白拈賊

獨木贈林侍者

撰述
臨濟樹只一株蓋天蓋地曾無遺閣浮金光耀日月
無晝無夜香風吹三伏茫茫洒水雪徧身毛孔清涼
徹五濁光氛悶殺人惆悵無因爲伊說

獨峰贈昂侍者

千山萬山橫玉案一點青螺出天半白雲不作雨聲
乾只有鳴禽自呼喚何人坐斷最上頭眼空四海無
春秋碧落紅塵兩懸絕菜葉莫遣輕隨流壓破坤維
鎮南極五岳要齊齊不得徑須推倒葛藤椿兔使天
華惹衣裊

無生贈度藏王

無生道人來自何縑縑求我無生歌生旣元無歌豈
有撥火爲子揚清波君不見覺海澄圓一漚發四生
九有相挨拶若知漚體本來空始證無生眞實說眞
不有妄亦空推倒百億須彌峯十虛直下頓銷殞三
世諸佛無行踪寂寥寥明明朗撥轉玄關何個儻夢
中合眼跳黃河豁開兩眼長床上東海魚打一棒等
閑躍出千重網跛鼈盲龜總不知帝釋修羅俱膽喪
嗔不嗔喜不喜笑殺寒林七賢女百種供須不稱情
剛然要索無根樹阿呵呵會也麼不萌枝上春風多
執死蛇頭懵懂漢放活鶴子仙陀婆無生歌少林曲

彈到無絃聲自足泥牛吼破碧潭烟石上栽蓮藕如玉

白牛贈昌山王

白牛之白白如雪性情迥與常牛別一犁耕遍劫空田四脚慣曾行帶噪懶安香嚴稱善牧豈揀平原與幽谷鼻孔遼天不受穿角長未免東西觸牧之既久終相忘水足草足溪風涼火宅商量誘諸子四衢軒蓋何煌煌

天印示曾侍者

覺天無雲海波靜萬象森羅同一印聖凡情量莫能

該爍破面門應自信鐵牛之機本如此言下承當不相似今行吳越在于今誰解同生復同死印泥印水還印空二三四七俱潛踪暗合明投總兒戲抹過虎穴并魔宮印空印泥還印水賓則全賓主全主曹溪脫出未爲奇擒得盧陂始堪喜印空印水還印泥玉犬夜吠金雞啼紫綬煌煌揭日月金章隱隱蟠虹蜺祖也無傳我無授去來且可空雙手相逢有問護身符好與攔腮捫其口

滅宗示胤侍者

瞎驢滅却臨濟宗黃河九曲不敢東東山拋出暗號

子鍊蛇彩鳳盤晴空堪笑堪悲川土直靚面當機看
脚下打失眉毛萬事休引得旁觀笑聲啞宗風似此
爭不滅此心合得瞎驢說說向瞎驢驢不聽喝聲迸
落千巖月

東白贈昇侍者

金雞拍翅扶桑暎萬國高開乾坤少室西來豈無
意後生欲見嗟無門五葉千秋輝震旦一色明邊何
爛爛更從向上透玄關曠劫重昏蕩然散碧海澄澄
照虛室萬象莫能逃影質堪笑當年老趙州眼前渾
是金州漆

思遠贈傳侍者

祖祖相傳有何說地久天長無斷絕無端滅向瞎驢
邊添得兒孫釘根楔此楔欲出出者誰神仙秘訣超
離微山青山黃日月老屋前屋後花信稀傳兮遠兮
我與爾思而不思知幾幾

東雲贈海侍者

道人心地如雲海隨風行空了無碍晚來一片橫日
東萬里濃陰覆天外在東爲東何定方卷舒出沒皆
相當釘釘著兮懸掛著南陽指出談宗綱有眼衲僧
誰不見未達此心遭境眩逐物迷真意轉移識性紛

撰述

紆日千變我願人人如此雲贊之不喜罵不嗔動既無營靜無住飄然寂爾超緣塵雲兮雲兮許多好人果如雲少煩惱得時行志作霖霖一洗炎埃潤枯槁

物外示道侍者

道非物外物外非道以要言之孰臻其奧南泉拂袖便行馬祖看得恰好木葉落盡四山黃金雞拍翅于江曉

宗遠示世侍者

未分天地誰爲祖接響成虛自今古竺國支那兩下看扶桑日輪正卓午威音已後威音前著著落在兒

孫邊馬駒踏殺不足怪瞎驢滅却方堪憐日可冷兮月可熱此事如何對人說關心大段是寒梅畫把春光都漏泄

默堂贈辯侍者

淨名一默喧今古塵塵剎剎開門戶散華天女解隨邪擎破虛空旋修補八絃雲盡清晝閑疎簾半捲來秋山道人有口且掛壁坐聽萬象提玄關鐵馬嘶風木雞叫野水自流華自笑碧眼胡僧暗點頭妙德空生曾未了

雪窻贈瑩藏主

支那

雪窻贈瑩藏主

十

雙峯歌雪窻寶華雪窻歌兩口無一舌柰此二老何
拈却廉纖與直截推起松窻進明月鷺鷥飛入蘆葦
中一片清光對寥泐莫問少林深幾多莫問雪山高
嵯峨蹲鴟出火香噴鼻一飽之外安知他雪窻見我
作此語點首掀眉心唯唯滿幅書來一字無前路逢
人休錯舉

大明贈韜侍者

大包無外還同小明察秋毫未忘照大而無大明無
明不妨踏著通天竅通天之竅既已開九野蕩蕩無
纖埃翻思龍潭撲滅紙燭處爍爍雲漢遠近俱照回
燒却疏兮焚却鈔衲解螢光何足道坐斷孤峯正令
行瞎棒盲枷真草草道人光明非小大耀古騰今長
不夜九鳥射盡一無存把得栗棘渾崙吞

無我贈吾藏主

我自無我誰爲誰鐵笛把得縱橫吹雲門一曲敲出
鳳皇五色髓洞山五位擊碎驪龍明月珠向去底如
猶捕鼠却來底似井覩驢通紅了也再下一椎大唐
國裏火星逆新羅燎却黃門須

性海贈明書記

覺海澄圓性清淨湛湛寒光浸空影一波纔動萬波

隨便有六凡兼四聖我觀動靜初無作只爲妄能生
妄覺覺妄元空達本真一道虛明自昭廓君不見靈
山拈華枝倆盡少室單傳重鑄印三交謾駕鐵牛機
臨汝全提還弄引南堂五月松吹涼茶甌滿泛毛孔
香客來問話莫啓口只有棒喝無商量

秀巖贈挺首座

千巖秀出萬物表下視乾坤一何小散華無路到諸
天只許青山自圍繞青山不碍白雲飛丹崖豈逐春
風老擬問巖中事若何春來拂曉聞啼鳥

愚中贈哲藏主

威音已前無正句何從立許閑名字愚中之哲哲中
愚意外遣言言外意摩竭掩室開口難毘耶一默心
自閑契詎離朱兩俱失罔象自得同痴頑痴兮頑兮
幾多好困來一覺和衣倒鼻息如雷喚不應開得眼
來天大曉手指東西話南北肚饑買箇油糍吃畢竟
愚中事若何直待當來問彌勒

樂庵贈常首座

世間之樂色與聲一巷冷淡誰留情千峯萬峯聳寒
碧道人得之雙眼明眼既樂兮心亦樂心空眼空樂
何著無著樂處空亦空空有花開與花落花開花落

撰述

南堂禪師詩集卷十六

春復秋世間萬事空悠悠一菴冷淡只如此無樂之
樂將焉求是禪悅是法喜口不能言心自語木人撫
掌唱陽春石女含笙和流水一拍一拍高復低玉兔
搗藥金雞啼拈出青原白家酒清稅爛醉如春泥

月鏡贈滿書記

碧海飛來大圓鏡吞爍乾坤無少剩靈山指出未全
真東平打破方相稱光境俱忘是何物舜若多神露
風骨蚩尤倒走軒轅驚今古何人敢輕忽

香巖贈芷首座

梅檀香風滿巖谷蘭芳芷秀同芬馥萬木千林競獻

翻鼻觀無聞心自足道人坐我巖之中遍身毛孔吹
香風八萬四千身衆海互相涉入俱融通舉一毛端
衆毛集一一香光翠雲溼不出普賢毛孔中誰道心
聞無路入

夢菴贈一侍者

未結此菴先作夢夢入華胥選梁棟菴成夢覺兩茫
然八表十虛空洞洞或擎拳或豎指只莫謾神并誑
鬼金雞啼上玉闌干山是山兮水是水

全齋庭示壽藏主

春八千秋八千一瞬萬古何茫然綠疏含風夜氣肅

朱簾卷雨朝容鮮濟北豈從穿鑿得睦州謾自相成
全旣然黃檗棒頭揚出佛法的的大意安用大愚肋
下痛築三拳總是桑條著箭柳幹出汁說甚檐泉帶
月覓火和烟翻身一擲抹過五天皮膚脫盡見真實
閻浮猶在海南邊

古音贈詔藏主

我有太古音不是今時曲馬師曾一彈清風滿林麓
無絃舉手難絕聽意自足禪窻春雨餘依依遠山綠

中山贈穎侍者

突突兀兀撐空虛青青黯黯何孤危不偏不倚露一

機除是頑石無人知首陽餓夫工採薇豈識空生巖
畔天花飛噫吁嘻亘千百載今其誰與歸

太虛

太虛無門絕關鑰扣之作聲鳴剝剝萬象森羅側耳
聽石人木人齊應諾金烏東昇兔西墜天風吹華落
香雨道人燕坐寂不動笑看須彌同鼓舞我與太虛
眞體合絕點純清離紛離電光影裏急翻身石火星
中恣騰踏未明此旨成掠虛靠實說話難提持直向
虛中了眞實始知實外元無虛虛兮實兮今復古有
相無相何足數說與聰明道者知打破將來重捏聚

空巖

空巖好空巖好住來歲久無煩惱蒲團禪板儘相忘
 竹杖芒鞋隨起倒有時坐選甚少林胡達磨一念全
 超曠劫前不覺日輪頭上過有時立水色山光澹相
 入拂曉清風劈面來過雲小雨霑衣溼有時行一片
 夕陽天外橫信意不知山遠近躋攀或與猿虎爭有
 時臥曲木枕頭消一箇不柰多情黃栗留幾回好夢
 都驚破空巖好空巖好落花滿地無人掃人空法空
 空亦空如何說與時流道

雪山

市地漫天雪三尺千山萬山齊一色晉賢失却香象
 王踏碎虛空尋不得六花飛入銀椀中瓊林玉樹光
 玲瓏重巖邃谷香草茁白牛穩臥忘西東瞿曇半夜
 逾城去掉頭不顧金輪位脫將袈服貿皮衣回首人
 間不知處

牧石

道人牧牛如牧石鞭索不施終省力縱然遍界露迴
 迴寂爾虛閑還默默有時一曲溪東西長堤綠草烟
 萋迷人間萬事不入耳席地且聽黃鸝啼

空海

覺海無邊空索索白日東昇月西落蒼龍睡穩初不知
領下神珠照寥廓信手一擊百雜碎騰身已在須彌
背不犯清波意自殊他家自有通人愛

自牧

我有水牯牛生來唯自牧鞭繩既在手且免東西觸
原上春草青原下春水綠隨宜不多求得飽意自足
如是三十載養之頗純熟豈無他人稼示之非所欲
毛色日已化頭角空自全既不逆人意又不蹊人田
三春農事罷一堤楊柳烟入牛兩何有庶以終天年

空漚

覺海澄圓一漚發起滅無從自虛豁廓然全露十方
空四生九有和根拔空自非空離我所囊括無邊入
環堵金雞曉拂扶桑枝玉兔夜輾珊瑚樹漚中之空
空中漚隨機鼓蕩成沉浮沉浮本來無實性六鰲一
掣隨金鈎我開此室還自榜榜以空漚豈相誑疎簾
半卷篆烟青三際寥寥餘鏡象

贈陸平原兼示濇姪諸子

一從海宇吹腥風三年蹤跡如轉蓬平原道人情分
濃招我卜築平原中濇能結構進負春砑砑蹇蹇忘
秋冬藿不滿甕粟不鍾烟筇雨笠何憧憧君不見雄

樵述
同堂元帥高靈卷之六
一
峯作息與衆同大瀉椽粟成禪叢又不見栽田博飯
楊岐翁一旦扶起臨濟宗吾今老矣百事慵眼昏頭
白雙耳聾不作俗子悲途窮不圖聞望傾王公只願
皇化浹洽佛道隆時和歲稔舟車通飛潛動植得善
終一丘一壑皆天宮

杯度尊者祥雲菴偈珩琅渺首座求和

十行十住十回向杯度老人常實相阿惟越致等妙
覺壽命光明無有量佛佛境界體性同隨說而行自
非強雙溪缺牛吃一椎等閑吞却嘉州象百千如來
咸助喜頻伽盛空滿相餉登高望遠意自殊祥雲翠

結瓊林上

珩琅一關法兄用前韻見招因答之

三千里外遙相向弟兄孰謂無心相毛端涌現寶王
剎胸次政餘吞海量工夫已到應從容道力未全安
可強昔年杯度今再來截流顧盼真香象瓷罌滿貯
黑石蜜妙語緘題遠分餉暮年只合赴嘉招劇談抵
掌雲巢上

撰述

南堂禪師語錄卷之十六

蘇州府吳縣佛弟子王與善法名淨善捐資刻
南堂了菴禪師語錄十六卷為薦
先祖考思橋法名廣閑 祖妣周氏法名廣年
先妣沈氏碩人同生淨土者
松陵天食張雋對稿 金陵蔣淨榮刻
崇禎八年乙亥冬至日 姑蘇兜率園謹 識

南堂了菴禪師語錄卷之十六

終

南堂了菴禪師語錄卷之十七

參學比丘善慶元寶慧朗等編
明 後學沙門兜率明聞重閱

偈頌五

送壽藏主

世尊祇是付金襴
迦葉何須倒刹竿
且喜鳳臺無授
受免教開福有相謾
鷓鴣眼底風光別
蚊子眉間境界寬
一擊虛空成粉碎
却來平地滾波瀾

送英侍者回彰教

禪者三年在侍傍
機先一著解承當
到家不用多言

支那

南堂禪師語錄卷之十七

語又手惟知聽舉揚破柱疾雷驚熱喝倚天長劔發
寒光忽然倒岳傾湫去方信龍於淺處藏

慧藏主徵格外提持之句

格外提持也不難面前推倒鐵圍山祖師鼻孔曾穿
卻外道頭皮有甚頑情與無情都是妄法非有法自
成閒一毛頭上三千界知與何人共往還

復藏主寂照室

一念無生洞十虛纔分靜躁卽懸殊維摩室裏金光
現善法堂前寶網舒舉足便須超限量到家何必問
程途只今六月成休復禪板蒲團儘自如

再全送輦真巴大師再之補陀

頻伽飛出海門東日照扶桑萬國紅法體只如今日
見潮音還與舊時同天無四壁心何壯劫有三祇業
自空童子南詢真軌在杖頭隨處得春風

送空上人之金山

德雲端坐妙峰頭山自高寒水自流三際不與諸境
寂萬機俱泯一心休舟橫野渡潮聲夜更轉星河桂
魄秋金錫影搖天地動潛鱗衝起釣鼈鉤

全答渭友竹寄傳燈錄

劫外真燈豈易傳祇應波向瞎驢邊試從七佛探源

撰述
百四十一
委堪與諸家辯正偏脫印誰驚文彩露同風自覺道
情全壽山有眼不識字畱在明窓伴暮年

次松月法兄韻送京維那歸省龍翔

勛業於君較幾籌獨知真樂在無求江西老宿誰非
馬社裏遺民自姓劉舉話罕聞道路虎逢人休說過
窻牛兵因典化能延敵不似羣兒輓繡毬

送淨藏主遊浙

我忘言也汝忘言擘破三玄作兩邊開口便能吞佛
祖轉身端可利人天三乘教外機關少百草頭邊體
用全剔起衲僧行脚眼大江南北興悠然

華嚴送忍侍者上徑山

不向揚州聽落梅只思洗眼看全提山頭頰尾拏雲
去井底紅塵白晝迷聖解未除猶滯鼓凡情纔盡自
忘蹄諸方五味都拈却花滿千巖水滿溪

次韻江心無言方外乾坤

方外乾坤豈易窮同中還異異中同萬機不墮境根
識一念頓超空假中頑石有時能點首太虛無跡可
形容豁開戶牖歸來也相見依然在別峰

靈澄和尚山居偈寶藏主求和

西來無意與人言開到梅花自換年三事壞衣殊稱

體一頭華髮任齊肩行收落葉供茶鼎坐倚蒲團對
瀑泉世出世間都是夢孰論身後與身前

次松月翁韻送承天茂維那禮祖

未了目前須用了已明心地更何求巴蛇昨夜吞香
象陝府今朝灌鐵牛馬祖下人阿錄錄桐城投子道
油油只今此話無人舉看盡青山自白頭

贈隱禪人默法華經

七喻三周一默收無人能到最深幽權機可向聲前
薦實相那容紙上求菩薩涌升金地裂天龍恭敬寶
華浮豁開火宅光明網携手同乘露地牛

送雲蓋師首座歸隆興

東土西乾妙不傳現成公案亦昭然睦州豈是閒擔
板黃檗難教在下肩南浦鬻花春滿路西山煙雨翠
摩天諸方脚債都還了一曲松風兩耳邊

送琬上人之四明兼柬翠山大朴

踏遍吳雲志未灰又思入海看蓬萊金剛石上頻伽
見玉几峰前窄堵開問法問心何卓犖尋師尋友莫
徘徊憑君說與翠巖老畱取肩毛領下栽

送璘上人遊四明天台省親

揭翻父母未生前行脚參方話已圓萬法不離心地

印好山都在屋頭邊
鄞江有水通三島
方廣無雲見五天
秋滿乾坤風信好
卷衣歸趁浙東船

次松月翁韻送育王竺首座歸閩

古鄞山中有此郎
揮戈佛日可重光
胷襟政自空今古
尺寸何勞較短長
好个法門真種草
堪於惡道作津梁
蒲鞋價重無人售
又挈藤枝返故鄉

次韻送曙藏主禮宏智塔

洞下宗師太白翁
一機不墮正偏中
羊腸鳥道開玄路
白日青天鼓黑風
超越古今端可見
鍛烹凡聖本無功
涅槃後有大人相
山冷雲寒月滿空

鐵鼓歸根塔

根元非有擬何歸
回首人間萬事非
八面玲瓏無罅罅
罅十虛磅礴自孤危
空華着處揚真諦
鐵鼓隨時藏化機
未作死埋先活葬
笑看天岍夕陽微

次韻答龍翔一首座

寄來佳偈是前年
落落盤珠妙轉旋
嚼碎冰霜和字燕
夢成風雨對床眠
縱橫得路誰相委
啐啄同時自可傳
鳳舞龍翔看賓主
出頭天外豈無緣

送僧省香山雪溪

八月九月西風涼
片帆高掛逾錢塘
眼頭擬覲雪溪

撰述
雪鼻觀已作香山香師資合處形跡絕知見盡時機
路亡莫學耽源畫圓相教他馬祖費論量

用雲深韻謝中竺空海見招

白髮蒼顏委羽翁稽留峰頂闡玄宗棒頭日月吞千
界喝下風雷撼九重燭火且須閒白晝寸筵何必撞
洪鐘故交總是劉文叔足壓龍腰自不容

寄報國無住慧雲木巖萬壽大明

荏苒年華七十翁與誰握手話先宗平生朋友二三
輩動隔雲山千萬重安樂自從拋退鼓睡來多是不
聞鐘歲寒只有長松在肯爲冰霜改舊容

寄杲宗二侍者

構李亭東落魄翁只同心語亦弘宗金針雙鎖天機
密寶印微開錦縫重慧照深思三頓棒羅云再擊一
聲鐘爭如普化風顛子傳得盤山老漢容

寄旻春谷

桂子堂前侍乃翁笑看江漢自朝宗萎華掃盡風千
片香水飄來雨一重兜率夢中椎鐵鼓乾城影裏擲
金鐘籌盈石室渾閒事戶外其如屢叵容

寄演福大用

南天竺國絳衣翁語默雙忘顯正宗提起天台中道

義化成華藏十三重香雲縹緲縈珠網花雨繽紛撲
講鐘見說年來頭髮白可如雪後看山容

寄覺宗聖敏仲庸起滅宗

凜凜高風似睦翁起吾宗也滅吾宗發揮濟北龍瞳
正籠絡韶陽鐵網重雪頂自擎彌勒像霜空誰扣約
齋鐘城市山林兩奇絕一湖秋水浸天容

次東山無際送玫侍者來靈巖韻

後生喜有超方志恰值巖頭散席餘留得東山送行
語勝如南嶽不通書和杵托出先呈我兩手擎回卻
付渠擺尾搖頭如此去何妨密處放教疎

贈中竺時首座

中峰一个破沙盆大徹投機廓頂門掃蕩三玄扶濟
北掀翻百法起慈恩夢墜堯率如何舉講得虛空作
麼論晏歲裹糧來伴我拓開方外立乾坤

懷龍華會翁福臻希文

弟兄絕跡到南堂豈是山長與水長所向自從多險
惡有書無計問安康何人解展回天力此日來施活
國方但得河清任頭白尚須攜手話宗綱

次雪竇華國韻贈明首座

中峰月下出門時眷眷無言只自知脫整笑他靈利

撰述
南宮元帥詩卷一
漢破家還喜寧馨兒摩訶衍法談來妙觀史陀天夢
覺遲海上橫行從此去重關一試頂門椎

送光侍者歸廣化

上人親自萬松來却着雙檣紙襖回直指宗乘心印
在廣施方便化門開芒鞋竹杖何多事綠水青山絕
點埃昨夜春風到南麓煩君問訊嶺頭梅

送觀首座歸三祖

白鶴峰高翠插天滯溪一水碧漣漣宗門有路人行
少智海無風鑑自圓山谷石牛頭角露金容癩狗脚
皮穿險崖機外翻身去收取蒲鞋舊價錢

贈雲藏主默誦蓮經

鬢年便誦芬陀利倒指於今二十霜眼底不藏元字
脚眉間自放白毫光炎炎火宅神通藏蠱蠱雲山解
脫場舌本流來建飯水一聲聲和鐵琅璫

送天台玄藏主之江西

此行直到大江西不用從人乞指迷黃檗痛施三頓
棒大愚相聚一莖藎有玄有妙非真際無正無偏是
半提踏遍匡廬見衡嶽洞庭霜白水天低

華頂天心同填大章至出似懷愠怒中之什次
韻二首一以爲東遊之贈一以簡能仁用章天

換述

章用貞

雪壓梅梢卒未消絕憐紙襖勝麻袍風生谷口千江
吼月到天心一鏡高吞燦十虛眸炯炯倒流三峽辨
滔滔德雲不下妙峰頂童子南詢幾許勞
天鏡宏開宿靄消蘭亭春日試春袍千鈞力在毫端
上五鳳樓成手段高蔓草難圖何糾糾橫流當道正
滔滔東尋禹穴非無與兩脚年來弗耐勞

次韻答圓通約之時畱天章

灰猫頭話久無傳千里緘題慰老年句句盡同師子
吼聲聲裂滅埜孤禪華開鐵樹春無跡發發冰河雪

滿川別有一機恢祖業不愁無路可通玄

次前韻答天章用貞文明天民

名實相應豈浪傳風流堪繼永和年不離一念觀塵
劫盡脫三災到四禪曲水流觴新主客茂林修竹舊
雲川墳篋迭奏瘡群響調轉胡笳拍拍玄

時約之天民皆避難

此於

金襴之外復何傳末法迢迢一萬年爛嚼東山鐵酸
餚生吞會祖栗蓬禪群星拱北天垂象萬派朝宗海
內川倒卻門前刹竿著從他鴿白與烏玄

次前韻寄能仁用章寶林別峰

支那

荷葉雁南書卷之二

九

住山鉤斧得真傳東渡錢塘又一年
插草等閒成梵刹隨機逆順入諸禪
斬新日月開天鏡依舊風霆似雪川
老我不吹無孔笛還依一語具三玄
賢首宗中擅正傳雪腰還憶普通年
盡知潛子能弘教誰識圭峰早悟禪
電掣一機過劈箭瀾翻千偈瀉長川
灼然踏着通天竅法法何曾落妙玄

國清栖雲閣

黃獨何心致紫泥高君自占白雲栖
五峰削出半天上雙澗勒回孤嶼低
龍作人來聞法去猿從月落帶霜啼
轉身別有通玄路南斗東移北斗西

贈天寧壽首座

會是雙峩入室來南湖分座亦悠哉
百非四句從頭剗萬戶千門盡豁開
碧海錦鱗衝雪浪青原白酒潑春醅
鐵船打就渾閒事浩劫真風喚得回

懷天封一宗龍華文石

我家兄弟唯一宗連床夜雨難再同
樹金剛幢擊石鼓用黑豈法開天封
看渠大作師子吼顧我何有羚羊蹤
龍華補處得勝友石上頗說南堂翁

次韻答芷首座

西風庭院散天香相對忘言意自長
莫慮聲光輕短

赫好將蹤跡穩韜藏深思大教頻開卷仰止前修只
望洋七載祖庭燒得盡三邊旗幟尚飄揚

萬壽愚隱先天瑞嫡孫開法中吳未皇修賀先
勤書問俗以湯劑因過其孫仁壽天澤闕白馬
元明偈和二首一以謝愚隱一以贈天澤庶延
聖剛中見之同一笑也

老向荒郊學種禾不愁不柰祖庭何三吳旺化逢禪
月一國宗風得鳥窠書外有言皆藥石胸中無地著
干戈盡知師叔無禪道打鐵爲船理則那
異畝重觀合穗禾不知談笑入無何主賓道協寧存

跡凡聖情忘自脫窠雷動九淵摩竭今日回三舍魯
陽戈瀑花飛作懸河辯驚倒龍湫諾詎那

松月翁佛生成道涅槃梅檀像觀音五偈善禪
人求和

佛佛同生是此朝衆生與佛本非遙不能自用香湯
沐却把渠來惡水澆悉達打頭呈伎倆雲門好棒出
心苗驚天動地男兒事金屋休諧貯阿嬌
自從巖駕越春城六載深山志始平佩項圓光銀漢
月通身寒露玉壺冰河沙三昧同時證刹海真乘一
道登末法師僧不知有假衣求食謾騰騰

大哉無上涅槃門本自無亡豈有存法軀親傳飲光
勝宗風不墜釋迦文窮玄極妙流聲教續醜聯芳在
嫡孫打破虛空求影跡分明一棒一條痕
優填只在世情間真佛何嘗去不還相好儼然如滿
月雕鏤剛余費沈檀未曾舉手功全著纔涉思惟見
不寬古往今來同一日煌煌一座紫金山
百寶莊嚴妙身為依爲蔭亦侯甸聞思修是三摩
地悲智行爲千輻輪說法自來空物我散華隨處擁
天神圓通境界無關鑰小白香飄海听春
送可上人歸省隆教古鼎

圓顛稱釋子難遇是明師鉢水投針處須彌鞞芥時
無心同鏡像脫穎見囊錐豈謂南詢後重安眼上矚
次韻答伯儀張教授

危言竦縉紳直氣掃邪氛未展圖南翮先空冀北群
尋僧言大道渡水到深雲三教從何立窮源自不分

贈岡書記

一字不著畫相看眼似眉難教夫子會只許老胡知
文彩全彰處機輪妙轉時十方俱一照石火太遲遲
贈端禪人默蓮經

掩卷轉蓮華寧論歲月賒未明窮子喻難到法王家

雨露無高下根莖有等差頭頭開示處功行幾恒沙
次韻送心侍者

欲作宗門客先須發大心苟非師子吼那副象王任
著著超方處頭頭顯妙音豁開行脚眼山海未高深
和晦機和尚韻贈定上人

大海波心立千峰頂上行胸襟無日月手面有權衡
梅柳春光動湖山雪意晴那伽定中句全死又全生
和松月法兄韻送明首座遊五臺

踏着臺山路真成汗漫遊劍眉何凜凜殺氣只浮浮
可數無餘子難當這一頭曹溪好風月碧淨冷涵秋

次韻送阜上人

一日復一日千山又萬山要明心地印須透祖師關
道韻誰堪並塵緣自絕攀權衡俱在手應笑管窺斑

送顯維那禮五臺

慕直臺山路誰誇陷虎機未言先勘破攜手卽同歸
師子空中現頻伽脚下飛天華政多事繚亂撲禪衣
次韻贈蔣山輔侍者

不住朝廷寺閒居近道傍依然遇賓客顛倒著衣裳
况尔鍾山至難將北斗藏鷹窠出威鳳談笑發天香
送緣藏主之金陵

息菴息不盡又欲去金陵宇宙空雙眼江山老一藤
發揮無盡藏紹續祖師燈莫學暹禪者無言戀碧層

示昂禪人

要明行脚事不用別馳求滅得偷心盡方知道念周
蕩蕩空三際昂昂出一頭懸崖能撒手脫體更風流

次韻贈志侍者

把住犀牛角堪稱席上珍莫爲斷佛種須作利生因
百鍊金除鑿重磨鏡絕塵飄然來又去一个自繇身

次韻贈本侍者

啐啄相投處難教子母知斯須能不易遠大始堪期

自信皆繇我羣居更問誰八紘雲散後一月正流輝

次韻送宗侍者再參蔣山

大法空修學明師勿久離須知末後句不是最初機
掛拂遭呵處升堂卷席時紙衣抄不到攜手孰同歸

次韻送禮維那

道人會法戰叱咤破金城去就鴻毛重助名海嶽輕
餅盂過橋李節候近清明百越三台路徭羊不計程

次韻悼感聖雲菴

之子喜才兼持身只守謙開門臨野水爲客卷疎簾
古寺如風穴宗乘繼此菴話頭元自在今後許誰拈

行脚走三千探珠下九淵倒拈芭箒柄癩掃墊狐禪
已辦今生事還思未了緣老胡真軌在草履過西天
未來先寄信欲去又牽衣白髮憐吾老朱顏借尔輝
有衣弘道統無命與時違千聖頭邊路還同把手歸

勉菴贈邵上人

已

要曾此門風須憑策勵功孜孜忘早夜砣砣感秋冬
自棄溝中斷相成爨下桐一拳恢活業千古繼先宗
鈍潛贈頴上人

鋒芒都去盡似兀又如癡萬境不相到一真聊自怡
忘機猶用象藏密是便空自昔知音者獨存王老師

次蔣山正宗韻送琦侍者

扇破索牛兒千鈞發機正宗誰復論秋月自揚輝
碓杵千家動雲天一鴈歸西川回未得易服問東碕
竺元和尚山謳四首壽藏主求和

投老無所營身安萬事足雖承教外傳還把楞伽讀
東峰多土酥西塢富溪菽一飽謝塵世焉用銜花鹿
茫茫六合中个个無非客一人萬夫敵六馬御朽索
魯陽不揮戈白日即西落咄哉老趙州八十猶行脚
我有無絃琴中含太古音豈無少林曲不入時人心
白鶴千年歸丹鳳一日吟嗟嗟精衛子涕顧滄海深

我有無孔笛有口誰解吹吹者不易得聽者誠難知
空山晝寂寂草座春依依 一个黃栗留啼上高高枝

吳門雲泉菴比丘照源徒普入普洽捐資刻
南堂了菴禪師語錄第十七卷
松陵大食張薦對稿 金陵蔣淨榮刻
崇禎八年乙亥歲佛歡喜日姑蘇梵率圍 識

南堂了菴禪師語錄卷之十七

終



四十一

一

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9